

Carmen Heroicum,

Compositum in Memorabilem

Confæderatorum Principum,

CONTRA

Gallos & Babaros

LIBERTATIS

EUROPÆ,

Causâ Conflictum apud

BLENHEIM,

Secundo Die *Augusti,*

Anno Restitutæ Salutis, *Mellesimo Septingintesimo*
Quarto, Stylo Veteri.

Per *Robertum Ormsbye, Arm.*

Unum e Conciliis ad Legem Serenissimæ Dominæ,
ANNÆ Dei Gratia, Magnæ Britannia, Franciæ & Hiberniæ
Reginæ, Fidei Defensoris, &c. in Regno suo Hiberniæ.

Tipis per *Edvardo Waters,* in vico vulgo vocato *School House-Lane,*
prop: *High-Street, Dublin, 1708.*

Vol. A4 e. 2006

BT from Hankel. Cat. 11/385





Carmen Heroicum,

Compositum in Memorabilem Confœderatorum

PRINCIPUM, &c.

CAROLUS *Hispaniæ REX Indorumq; Secundus,*
Vix benè se tumulo (vitæ defessus) *Avito*
Composuit, rediitq; Sacris super *Æthera* flammis,
Cum contra Gentes qui *Christi* nomen adorant,
Horrida fœdisfragi tonuêrunt prœlia *Galli,*
Et Simul in *Summum* conspiravêre *Tonantem;*
Per cujus Sacrum fufis ad Sydera palmis,
Jurârunt nomen, violandam tempore nullo
Reswiciæ Sancto stabilitam *fœdere Pacem.*

Te supplex *Europa* vocat charissima Cœlo
ANNA SIUARIA, potens armis, terrâq; inariq;

Audiit *Europæ Regina Britannica* vocem,
 Atque potens ferrum, ferroque potentius aurum
 Misit ei; misitq; Virum qui novit utrumque :
 Regia *Marlbroni* sonuit *Taratantara* nomen
 Martis ad arma, venit Martis *Marlbronus* in arma
 Et sic respondet, tuus O Regina quid optes
 Explorare labor, mihi *Jussa* capeſcere fas eſt:
 Nec mora, terribiles *Anglos*, *Batavosq;* ſagaces,
 Subtiles *Scotos*, & *Alumnos Martis Hibernos*,
Tutonicosque truces. & *Pruſſos* Marte peritos,
 Et formidandos ex omni tempore *Danos*
 Convocat, in varias equitum, peditumq; Phalanges
 Dividit, & ſubiti diſponit in ordine Belli.
 Sed *Gallorum* Acies longe numeroſior illis,
 Cum *Bavaris* conjuncta, dolisq; inſtructa, *Britannos*
 * Pantounes. Trans flumen * donis invitat ad arma relictis :
 Terribilis *Malbronus* adefſt & Marte remoto,
 Aſtutum propriis illuſit fraudibus hoſtem,
 † Pantounes. † Dona dolosa capit, (fatalia dantibus) Inde
Anglorum validas Peditum ter quinque phalanges
Danubii cymbis trans flumen miſit Ahenis;
 Interea rapidas ejusdem fluminis undas
Marlbronus tacitæ per amica ſilentia *Lunæ*
 Innumeris tranavit Equis ad Bella paratis;
Phæbus utrinque moræ culpatur, tempore quando,
Cancer ad æſtivæ fulget ſaſtigia *Zonæ*; Phæ-

Phæbus adest, umbræ fugiunt, genus omne ferarum
Abstrusas repetunt exorto Sole cavernas;
Apparent ornatae Acies, ut sponsa marito
Læta suo, gemmis armis, auroq; decoræ,
Terribilesq; simul, terror facit ipse decoras.
Tum Dux Marlborough successu Martis ovantes,
Et Modò conjunctos, Gallos, Bavarosque laceffit,
Agmina mox avido casura Piacula ferro
Gallica, ventoso super Astra tumentia fastu,
Prælia venturi poscebant nescia fati :
Respondent validis fortes clamoribus Angli,
Dispereant qui Bella negant, coëamus ad arma
Huzzarunt Omnes raptis super ora Galleris,
Bisque ilerum raptis, geminant coëamus ad Arma.

Princeps Eugenius decus admirabile sæcli,
Heroum soboles, teneris Illustris ab annis,
Omne quod incubuit faciendum, fecit ad unguem;
Inter utrasque Acies nitidis supereminet Armis,
Evaginatum vibravit in aëre ferrum,
Hortaturque duces validis incumbere dextris,
Imperii titubantis onus fulcire Columnis
Fortibus Armorum, Regum ratione supremâ,
Si modò sic placeat Superis, hæc una perennem
Sanciet Europâ pacem Victoria totâ :

Hæc

Hæc ubi dicta dedit *Princeps* juveniliter altum
 Circumflexit Equum, qui flammæ Naribus eflans,
 Dissipat immenso *Glomeramina Plumbea* flatu,
 Victtricemq; *Aciem Gallorum* duxit in ora
 Fortis, & adversas stricto petit ense cohortes :
 Innumeræ ferro, multoq; Bitumine factæ
 Torquentur summum minitantes *Æthera* moles,
 Fatales, quibus Hostis uterq; salutat utrumq;

Hic *Cutts* Bellipotens Salamander in ignibus ardens,
 Stabat, in adversum ceu Murus æthereus Agmen;
 Fortiter egit opus *Martis*, binasq; per horas
 Haussit sulphureas *Constanti Pectore* flammæ;
 Nec nocuere, habitus sit enim Natura secunda,
 Terribilesq; *Globos flammæ*, omnesq; *Gradi*
 Sustinuit *Felix*, tranquillâ mente furores.

Illic Magnanimus redivivus Hibernus Achilles,
 More Giganteo movet *Ingoldsbeius* Heros,
 A dextra levâq; simul, misitq; per Hostes,
 Millia candentis *displosa tonitrua* ferri,
 Quæ tot *fulminibus* parili Vigore retortis
Fulgure respondet tanto *Tailardius* Heros,
 Ut quisquis luxisse diem dubitaverit illum,
 Quo *Tuba Summa* simul vivos, & morte sopitos,
Importuna Dei vocat ad *Cælestæ Tribunal*,

*Monte Sinai tonuisse Decem Præcepta putaret
Grandine, fulminibus, fumo, fulgore, cruore.
Ast Ingoldsbiades qui nec Glomeramina spreuit,
Nec nimiùm metuit, patefecit utrinq; Cohortes;
Transit per medias Brutum sine cæde catervas
Fulmen, & innocuas expirat in aëre proles.*

*Eminùs at fortes pugnare diutius Angli
Non tulerant, cupiuntq; suum palpare periculum:
Concessère Duces, propiusq; in bella feruntur;
Dulce melos Acies ad Bellum duxit utraq;
Flagrantefque animant & Spes, & Gloria Turmas
Oquàm Divinâ Maro Majestate canebat
Funera Natorum Martis, Mavortis ad aras;
Nobilis ordo fuit Belli, processus opacas
Nobilis, & (dictu mirandum) lætus ad Umbras.
Festinant lenté Britones, jussiq; morantur
Inviti, sistuntq; gradus, properantq; vicissim,
Ad mandata Ducum, nunc in vestigia prima,
Posteriora trahunt, eadem mox cornua mutant,
Frontis, & alterno miscent curvamina motu.*

*Inferior virtute, suas divertit ad artes,
Gallus, & accedit multo curvamine pronus,*

Antiquos

Antiquos *Martis* mores, legesq; secundum :
 Corpore sed recto *Britones*, *Cælumq;* tuentes
 Incedunt, & more novo quem Deniq; *Mavors*
 Vidit, & obstupuit, sine *forma*, *lege*, vel *Arte*,
Gallica fustitis ruperunt Agmina sclopis.
 Tum *Galli* rapidos multum stupuere *Britannos*
 Cæperuntq; sui titulum dubitare *PHILIPPI*,
 Et *Romana fides* nūm *Cæla* venit, an *Orco*.
Infelix Bavarum Gallis Dux terga daturis
 Misit opem subitam fractas renovare *Catervas*,
 Congrediturq; ferox, & rursū *Prælia* tentat:
Federe conjunctas laceravit *Ahenea Turmas*
Machina, fatali sufflato gurgite ferro.

Ordine *Mavortis*, lento properantia passu,
Belgica tardârunt furibundos *Agmina Gallos*.

Jamq; *Caledonias* ingens *Orknëius Heros*

* *Veteres.* Nestoreas duxit super *Agmina Gallica Turmas*
Douglas-Hamiltonides quo nemo serenior unquam
Martis in arma venit, nec *Marte* ferocior unquam
 Virtutis validum circum sua pectora scutum
 * *Bcmb.* Induit, & spectans * festina vehicula fati
 Invasura suos, *Martem Mavorte* repulsi,
 Auxiliumq; dedit *sociis in federe junctis*;
Gallica Scotorum Victrices *Agmina* notas
 Nec sensere manus tunc primum sanguine tinctas

Hostili validas, nec tùm dominantia primùm
Scotica vidêrunt *Galli vexilla* superbi,
 Quæ fuerant *Gallis* summum pugnantibus olim
 Solamen, sed jam vice versa terror eisdem.

In pugnam celeri sua fert vestigia passu
Danus, & antiquo pugnandi more, sagittis
 Eminùs invadunt, *Rbomphaeis* comminùs hostes.

Inde *Anglos Batavosq;* simul conduxit Equestres
 In fera bella truces, *Princeps Hescastrius Heres*;
 Ordine quo flavas Autumno messor aristas,
 Agmina vexillis prostravit *Gallica* fufis :

Qualiter agnovit *Gensdarmes* validissima Mundo
 Rupturam se posse pati, *Palmëius Heros*
 Monstravit *Summo Gallorum, Sanguine Gallo*;
 Victores *Britonum* qui tunc conduxit Equestres
 Ter super hanc *Gentem*, *Gens* hæc ter rumpitur, & ter
 Terga dedit, propriis non associanda Catervis.

Magnus Anbaltus adest *Princeps*, & *Prussica* ducens
 Agmina, nil gladios, sævumq; timentia fatum,
 Terruit adversas ferri mucrone *Phalanges*.

Per fumum, flammæ, Gladios, & fulmina, fortis,
 Impiger, atq; fidelis adest *Cadoganus Heros*,
 Bellica *Marlbromi* mandata per Agmina portans
 B Intrepidus

Intrepidus, fastu tumidis fatalia *Gallis*.
 Inde *Ingoldsbiades* sic jussus, circuit Armis
 Bis sex mille simul *Gallos*, quos Arma coëgit
 Ponere, pulveream deflexo Poplite terram
 Lambere, Victrici Captivos Cuspide ferri.
 Interea liquidi fatalia pondera Plumbi
 Alternatæ Acies alterna in Pectora mittunt;
 Principis & Plebis nullo discrimine facto :
 Sæva re concurrunt volitantibus *Agmina* signis,
 Militibus reparata novis, in Bella paratis;
 Et coëunt Animis æquis, successibus æquis;
 Erubere Enses alterno sanguine tincti,
 Inque vicem validis rumpuntur utrinque Lacertis,
 Parsque manet dextrâ, pars saltat in aëre missa :
 Alter in alterius *Manualia fulmina* Pectus
 Jactat, & eximium cupit Alteruterq; Cruorem,
 Sed nescit manare suum, sternuntque, caduntque
 Alterni, * *Fortes pariter* mucrone remittunt
 Ad *Cælum fortes*, pariterq; sequuntur eosdem;
 Heu quanto, & quali, Campo *Mavortis* utroq;
 Ebria stagnavit Generoso sanguine Tellus;
 Quot, quantiq; suo luctantur utrinq; Cruore
Heroës, *Patrio* tendentes *Brachia Cælo* ?
Cælorum rotulis quorum *Charactere rubro*
 Nomina Scripta sacris nunquàm delenda manebunt.

* Omnes for-
 tes ad *Cælum*
 unde vene-
 runt redeunt.

Inter

Sensit Atlas pondus, gemuitque subinde, novorum
Heröum, gravitant qui tot quasi sydera Cælum.

Inter utrasque acies *Mars & Bellona* pererrant,
Cui maneat *Dubij* tantæ *Victoria* pugnæ.

Cælorum Rector, violati fæderis Ultor
Intonuit, (tremuère Solum, Cælumque, Salumq;
Marlbromumque jubet *Phæbo* properante sub undas,
Certamen validis totum finire *Lacertis*.

Fædere junctarum, Mens, vita, manusq; Cohortum,
Terribilis Marlbronus adest, cui Lancea ferro
Splendenti, ferroq; animus præstantior *Omni*,
Per medios Enses, per sævi spicula fati,
Progreditur, ferroq; viam patefecit, & igne:
Et conjuncturas vetat Affociare Catervas.

Festino multi properant occurrere fato,
Filaq; contemptæ cupiunt abrumpere vitæ,
Inque suis sævos condunt penetralibus enses;
At alii multo gladiis horrore remissis,
Ut fugiant rigidi ventura pericula ferri,
Vasto *Danubij* sorbentur gurgite vivi

Inclutus Armorum Ductor Tallardius Heros
Utraque stellifero porrexit brachia *Cælo*
Attonitus, refugas positasq; ex ordine Turmas
Hortatur blandis ad Bella revertere verbis:
Pro focis clamat focii pugnamus, & *Aris*;
Heu cecidit *Romana Fides*, jurata *Quirino*

* *Pape.*

Sa-

Sacra *Patri*, in vacuos abierunt *fœdera* ventos,
 Fortibus O Comites iterum vibrare lacertis
 Arma, quibus totum *Ludovicus* terruit Orbem.
 Terrarum toties, & sub ditione reduxit
 Armorum fortes toties certamine gentes :

Vicissis, *Vicissis* enim, cum *Teutones* omnes,
 Et *Batavi*, & *Britones*, aliæq; in *Fœdere* junctæ
Gallica perversæ minitârunt *Lillia* gentes :

O quoties *Aquila Bisida* tremuere *Lacertos*
Gallorum validos, quoties stupefacta *Vienna*
 Horruit, & capto gemuit *Germania* *Rheno*,

Sancta Maria, *Dei Mater*, miserere tuorum,
 Si *Dea* sis, fractas ad *Bella* revertite *Phalanges* :
 Sed nec *Vota* valent, nec *sesque* *Pedalia* verba,
 Ad *Bellum* refugas iterum revocare *Cohortes*.

Terribilis Marlbronus adest, & vana loquentem
Tallardum rapuit curruq; in castra reduxit;

Interea fractæ peditumq; Equitumq; dederunt
Gallorum sua terga fugæ *Bavarumq; Phalanges*;

Marlbroni jussu levis *Armatura Cohortes*
 Insequitur, lacerasq; gravat truculenter easdem.

Sisteret ut tantam cædem *Clementia Cæli*
 In lachrymas liquefacta, diem perclusit, opusque,
Mollia *Lassatis* *Indulgens Somnia Turmis*.

F I N I S.

Hæc primùm Terras cùm fama tulisset ad omnes
 Sæva *Laceffiti* Gens conscia *Fæderis* horret,
 Sanguineis plorat *Violatam Gallia Pacem*
Resviciæ lachrymis, & *Numina læsa* fatetur.

Complicuit fluidos humerum sub utrumq; Lacertos
 Maximus *Europæ* pacis *Turbator*, & imo
 Plurima *Grandævi* suspiria pectoris hausit
Rex Decimus Quartus Ludovicus Grandis, & inquit.

Mille decem *Galli* morientes *Martis* in arvo,
 Æternam fuso meruerunt sanguine famam;
 Ante pedes *Marlbrone* tuos tot mille recumbunt,
 Tot fugiunt sylvis, & tot merguntur in undis.

Occiduense Monasterium captiva reservat
Gallica quinque triginta simul *Vexilla*, futuris
 Sanguineam cunctis cædem monstrantia sæclis :
 Et testantur idem centum signa octo viginti
Bellica Gallorum Campo prostrata *Gradivi*,
 Quæque *Monasterio* suspensa locantur eodem.

Te Deum Laudamus.

- Pf.* 104. *v.* 1. **M**ollia distentis Laudabunt carmina Nervis
 Nostra *Deum*, quem nec calamo, nec arundine possum,
 Nec mihi si decies sint centum dicere linguæ :
 Numina constituunt te quem prostratus adoro
 Terna *Deum*, Deus omne, Deus tamen unicus ille :
 2. Majestas, & honor te stant & gloria circum
 Velatum croceo radiorum solis amictu :
 Expandis convexa Poli per inane rotati,
 3. Terrarum dubiis immotum ponis in undis
 Fundamen, nebulis tibi fas ut curribus uti,
 Et rapidis venti volitare per aëra pennis ;
 4. *Angelus* auratis *Caducifer* emicat alis,
 Ut peragat tua jussa, levis tibi flamma *Minister* ;
 5. Non iterum quassanda jacis fundamina terræ ;
 Tu tanquàm pallâ, velasti fluminis undâ
 Orbem terrarum, modò quem minitantia totum,
 Increpitante *Deo* caput in sua terga retorquent
 Flumina, fulminibusq; tuis se territa condunt.

Pf. 18. 1. () quàm te magni miror *Moderator Olympi*
 Tu vis nervorum, tu nostræ *Parma* Salutis,
 Tu mihi *Patronus*, tu tempore solus in omni
 Concava terribili velans a fulmine *Rupes*,

Cassis, & ambiguis *Arx* invictissima rebus :

Ad te *Vestra* ferent resonantem Nomina vocem, *Pf.* 18.

Nimbi, *Cælestes* rumpam singultibus auras : *v.* 2.

Sic missa e fatuis *Ludovica tonitrua* flammis,

Divino nunquàm ferient me tegmine tutum,

Cùm titulum, laudes, & facta stupenda *Jehovæ*,

Et cùm nostra Sacrum modulantur Nablia Nomen.

Horrida lugubri mors undiq; circuit ore, *3.*

Et pavor, & terror, variæq; in Morte figuræ,

Sed fuit *Omnipotens* æs circum pectora triplex;

Parma venenatis nunquàm penetranda sagittis :

Pectora cùm nimio sunt obruta nostra dolore, *5.*

Et mea non modicus rupit Præcordia luctus :

Magne *Deus*, si des oculos in morte gravatos

Fas mihi porrectis ad sidera tollere palmis,

Et mea perpetuò veniam suspiria *Cælo*

Mittere, perpetuò mittam suspiria *Cœlo*.

Sic aures tacito penetrabunt verba sussurro *6.*

Divinas, immota fides mea vota sequetur;

E folio *Deus* ipse preces exaudiet alto :

Cardinibus distorta suis *Natura* gemescit, *7.*

Et convulsa tremit totius *Machina* Mundi,

Nec leviùs tremulâ quassantur in arbore frondes,

Turbineâ nemus omne Pavens cùm stringitur aurâ;

Territa quàm montes utrinq; cacumina nutant

Alti, intestinis rupto fundamine ventis : *O*

11/60
N1-1-

A-B⁴

[12]

- O Deus Omnipotens* Meus auxiliator, & ultor,
Sub pedibus *Gallos* te conductore redege,
E manibus sævi periturum *Dextra Tyranni*
Eripuit tua me, Dominantis Colla locasti
Me super, ac alternatim Dominabor in illum :
32. Bellica deposito me fecit ad arma timore
Expertem Omnipotens, jaculis penetrabile nullis,
Imposuit validum circum mea pectora scutum :
49. Ergo *Dei* Laudes mea vox, plectrumq; canorum
Perpetuo tremulis modulatur Carmine Nervis;
48. Qui me conduxit per mille pericula tutum,
Et percussuri divulsit acumina teli :
Psf. 144. Aspera tu fortem fecisti in Prælia servum.
v. 1. Me Deus, ante Pedes prostrasti fortiter hostes;
Tela videut lato qui cùm vibrantia ferro,
Teq; Ducem cernunt venientem in Prælia mecum,
Terga dedêre simul peditumq; equitumq; phalanges,
Inq; solum pavidæ summisso vertice cumbunt.
Ergo ego mira *Dei* Presentibus, atque futuris
Gentibus agnoscam, *Domini* dulcissima nomen
Nostra Chelys sylvas, volucresq; sonare docebit,
Ultimus intenues dùm Spiritus evolat auras.

FINIS.

is,

am

;



;

um,

ges,

n

ebit,